

陝西各縣政治視察彙刊

第五冊

民國十三年付印

陝西三縣政俗觀察圖

劉鎮華題

陝西省第一屆各縣政治視察彙刊卷五目錄

視察案

山陽縣

洵陽縣

白河縣

紫陽縣

平利縣

略陽縣

留壩縣

鳳縣

佛坪縣

寧陝縣

嵐皋縣

漢陰縣

石泉縣

商南縣

鎮坪縣

陝西省第一屆各縣政治視察彙刊卷五

視察案

山陽縣

陝西省長公署訓令第

號

令

高審廳	林務專員
財政廳	漢中道尹
實業廳	水利分局
教育廳	自治籌備處
高檢廳	警務處

案據山陽知事王微曾呈齋該縣政治調查表冊到署正核辦間復據視察員李克強等呈齋復查

報告表冊前來當經詳加審核開列清單除指令並分行外合行檢發清單一紙令仰該廳查照分

處道局員

別督飭辦理切切此令

計發清單一紙

陝西省長公署指令第

號

李克強

令視察員錢元

王慶彤

呈一件呈齋調查山陽縣政治表冊由

呈表均悉已詳加審核開列清單除指令山陽縣知事遵照辦理并分行外茲檢發審核清單一紙
令仰該員知照表冊存此令

計發審核清單一紙

陝西省長公署訓令第

號

令山陽縣知事

案查前據該縣呈齋調查政治表冊到署業經指令並分行視察員李克強等復查在案茲據該視
察員等呈齋復查表冊前來當經詳加審核開列清單除指令並分行外合亟檢發清單一紙仰即
查照單開各節切實辦理仍將遵辦情形具報查考此令

計發清單一紙報告書三份

審核清單

第一部

義務教育調查表

一據視察員報告該縣教育向不發達該知事到任後多方提倡添設高級小學校一處初級小學校十四處故近日學務始有起色又據報稱該縣各鄉鎮小學仍不敷用如高壩店爲二區大鎮僅有初級小學校一處漫川關爲該縣首鎮僅有初級小學校二處板岩爲南區首鎮僅有初級小學校二處就全縣計算入學兒童約佔學齡兒童十分之五各等語查該知事熱心教育殊堪嘉許應再積極籌添初級小學或將原有小學增加班次務使學齡兒童全數容納以期教育普及又表列第一區安康團原有新設初級小學校共七處第三區漫川關原有新設初級小學校共二處查該學校調查表該兩區均係連高級小學校算入殊有不合應卽更正

學校調查表

一據視察員報告該縣城內高級小學校自縣署被焚移至該校前院隔出後院一部歸作校用現時校址狹小有教室二座光綫容積尙屬相宜校長張光烈常川家居不理校務惟管理兼教員閻燮管教尙能認真教員邱俊雷淇徐景星講解明晰惟教授未能啟發學生興味漫川關第三高級小學校係租民房修補而成創辦伊始設置均未完備校長胡紹麟辦事穩健管理陳彭訓練有方教員席尙珍王青臣阮開炳教授尙屬得法學生秩序整飭應答敏捷檢閱成績尙有可觀城內正街文昌宮初級小學校教員薛敬軒學問尙有根底惟教授大半未

能用教科書東關蝗虫廟初級小學校教員奚有爲教授合法學生對答明瞭西關北街初級小學校教員鬲永治教授懇切訓練得方學生態度活潑應答清晰西關外永安寺初級小學校教員陳光煥講解尙屬清白惟教授多半以讀經爲主東岳廟初級小學校教員曹瀚章教授板滯學生仍以讀經爲主間有用教科書者亦不講解九子碑初級小學校教員徐于煥教授尙可學生多能回講清楚顯神廟初級小學校教員劉金城教授不合學生大半讀三字經百家姓各等語查閻燮胡紹麟席尙珍陳彭王青臣阮開炳奚有爲鬲永治徐于煥等或管理認真或教授合法成績均有可觀應由該知事一併傳諭嘉獎以資鼓勵邱浚雷淇徐景星薛敬軒陳光煥等雖講解清楚惟教授未能用啟發式應令從速改良以觀後效張光烈不理校務曹瀚章劉金城教授不合仰即一併撤換勿任貽誤學童

一據視察員報告該縣縣立高級小學校經費年約一千四百元由書院地租年收洋六百元漫川關驛捐年收洋五百元其餘不敷之數由縣署臨時籌給等語查脚捐一項早經通令禁止該縣抽收驛捐亦係脚捐性質應即尅日停收以符通案其不敷之數該縣每年由何項籌補亦應切實指明呈覆備核

一據視察員報告該縣女子初級小學校僅有城南街一處因匪擾停課其餘各區概未設立等語查該縣匪亂早經剿平應由該知事從速開校以復舊觀並於各區籌添新校以廣教育

渠道

一據視察員報告該縣席家渠馮家堰大石堰三區渠道堅固水量暢旺惟無養渠經營修濬渠道概由灌田民戶擔任諸感不便等語應由該知事妥籌養渠經費時加修濬以培水源而利民生

一據視察員報告該縣北鄉磨溝有舊渠一道引本溝水源灌田頃許近年旱象迭見水不敷用大有涸廢之勢似應由上游沿山麓開渠一道收受山谷浸水仍歸舊渠約可灌田兩頃惟渠身沿山而走須多鑿石槽工資材料約需千餘串方能成事然一勞永逸利益甚大將來由受利地主按畝分任亦屬易事曾由該縣士紳雷振善畫興修尚未開工又據報稱該縣南鄉新寬渠因十年水災湮廢現由朱家灣士紳朱世凱倡議復修擬沿河築石堰一道防水冲田估計經費約需六七百串尙未興工各等語查雷振朱世凱熱心公益倡辦水利深堪嘉許應由該知事切實提倡分別督飭各該紳等妥速籌開以闢水利並將辦理情形呈報備核

一據視察員報稱該縣練石渠因十年水災渠堰被冲村民集議復修現已動工又洪水渠而積約頃餘現已沿河修石堰一道內側築渠可灌灘地頃許經費由受水利地主分攤現正修築各等語應由該知事督飭紳民從速修濬早觀厥成以利民生

蠶桑

據視察員報告該縣氣候溫和春夏秋三季養蠶咸宜飼育秋蠶尤爲便利惟均就山野隙地

自牛之山壓土桑採葉飼育養蠶之風以中東二區爲最盛近來繭價昂貴民咸稱利每興育蠶乏桑之歎等語亟應由該知事多購優良蠶種及湖桑秧籽廣爲散給並派員分赴四鄉切實勸導曉以植桑養蠶各法以資改良而興蠶業

棉業

據視察員報告該縣土質氣候向稱宜棉民間種棉之風較商雜爲盛如南區南寬坪一帶全係美棉成績頗佳每畝產量約五六十斤倘肥料適宜培育周到亦有收至七八十斤者其他西北各區棉多土種成績較次種植者亦少等語乃該知事所填表冊則謂該縣土質下濕向不宜棉捏報誣責殊屬不合仰即速設棉業試驗場多種美棉切實提倡並於西北各區勸導改良務期該縣棉業全部發達以闢利源

植樹

據視察員報告該縣植樹一項向以官紳提倡不力保護無方故農民植樹觀念甚爲薄弱又據報稱該縣農民築堰植楊柳取油種漆桐之風頗盛表列各株係指各農民自由栽植而言非農會勸植之成績去年由該縣知事督責各團紳民沿大道植楊柳萬餘株天災人害存活無幾各等語應由該知事督飭農會各員分赴四鄉切實提倡曉以造林之利廣爲勸植並於舊有新植各樹妥籌保護之方以期林業發達

苗圃及棉業試驗場

一據視察員報告該縣農民副業以割取漆液桐油爲大宗全年產額頗鉅補助農民生計不少故種漆桐之風頗盛宜速設苗圃廣培漆桐特別提倡再南寬坪及縣川等處產棉成績頗佳設場試驗以資推廣尤爲急務惟該縣實業機關除農會外均未成立宜速設勸業所并籌設大規模農林試驗場一處特別劃出苗圃棉業試驗場各一區分別種植試驗以資改良各等語查該視察員所陳各節尙屬可行應由該知事切實舉辦呈報備查

一據視察員報告該縣農會會長程書旣乏實業經驗任事又多不力常川駐家會務諸多停滯等語應由該知事從速照章另選妥人辦理會務以資整頓

第三部

警察

據視察員報告該縣警察有縣城及漫川關二處警士均有空額亦無崗位所內雇員伙夫未免過多宜加裁汰縣城警佐袁明昌遇事畏葸難期振作漫川關警佐謝志元人頗穩練惟警士刁驕時有訛詐船商情事等語查警察之設原以維持治安漫川關警士既有訛詐船商情事亟應由該知事查明懲處以儆貪玩縣城警佐袁明昌應由警務處撤換俾資整頓所內雇員以應酌量裁減以節糜費

保衛團

據視察員報告該縣保衛團共分五區各項編制與條例亦無不合各有來復槍五六百支第

五區更有抬槍六七百桿捍禦小匪尙能得力豫匪東竄時第三區團嚴守東河口數日本年四月第五區團曾追擊硬匪李老五等當場格傷匪徒三十餘名之多惟自大股匪擾之後第一第三兩區團總均未任事團丁亦未輪派等語查該縣保衛團捍衛地方追擊匪徒辦理尙屬妥善應由該知事傳諭嘉獎以資鼓勵並督飭第一第三兩區團總廣續任事毋任廢弛

禁止婦女纏足

據視察員報告該縣對於天足一項已委定會長及男女稽查等員切實勸導惟是積習已久羣相觀望已商之王知事先從各區紳董及各校學生家屬辦起再派講演員詳爲開導每月由會長將解放人數詳細彙報等語應由該知事查照辦理切實奉行以期早祛陋習而挽頽風

貨幣

一據視察員報告該縣行使貨幣除現銀及各種銀元銅元外尙有商號所出之錢票最爲濫而難稽縣城十一年發行者有五六十家漫川關不過百餘家而出票者有八九十家甚至肉架饘攤爭相發行油布麻紙互相混淆負販小民多受虧累等語查該知事來表錢票欄內竟列無字顯係有意捏報應予申斥並責成該知事查明發行錢票各商嚴加取締限期收回以維市面又據報稱漫川關天心照號所發之錢票數百串一經變亂即廣貼布告概不負責等語查該商設心害人殊堪痛恨應由該知事查明懲處以儆效尤

歲入及歲出

一查表列各欄諸多錯誤茲爲指明如下歲入表各款欄內總數均未填入第一款第四第五第六等項既未完納正稅何得謂爲附加捐同款第七項燒鍋附加捐應列入菸酒附加項下同款第八項屠宰附加捐應與第一款第一項合併第三款內漏列第二項地產收入第四款第三項第四目屠宰捐應併入第一款第一項同項第五第六兩目統爲雜捐不得謂之警察收入歲入經常門合計欄本年度預計爲四千零二十一元上年度預計爲三千九百零九元兩數比較應於增欄填一百一十二元來表於增欄填九百四十二元減欄填八百三十元歲入經常臨時總計欄錯誤亦同又歲出表第二款第一項本年度應填爲二百七十八元上年度應填爲二百八十八元原表所填不同同欸第五項上年度應填爲五百五十一元表填六百五十一元同欸第五項後又列第四第五第六第七等項其第六項本年度應列爲三百元原表填一百二十二元歲出經常合計本年度應填爲一萬零四百九十二元表填爲一萬零三百一十四元歲出經常臨時總計本年度應填一萬二千九百一十二元表填一萬二千七百三十四元以上年度七千五百八十一元與本年度一萬二千九百一十二元比較應於增欄內填五千三百三十一元原表增減欄並填且數均不符以上所指各節應由該知事查明更正補報備核

一據視察報告該縣漫川關每年鹽船捐款頗爲不資經該處紳董鄭德輝胡國泰等經收每

藉口籌收學警捐 開支不惟無餘尙須各團補助向無收據榜示詳查頗難等語應由該知事嚴飭各該紳董於收支各款開列清單榜示週知以昭大信而杜流弊

看守所

查表填張正炎趙明均已奉令開釋不應再爲列入其高金山朱炎正王應亮收押均將二年應即迅予判決以清積案

附件

第一部視察員李克強視察山陽縣報告書

一義務教育

查山陽縣山嶺層疊民生艱苦教育事業向不發達自王知事到任以來尙能多方提倡不特將原有學校督促改良且又添設高級小學一處初級小學校十四處故今日該縣學務始少見起色視察員到縣後據表詳查其各鄉鎮小學大半仍不敷用如高壩店爲二區大鎮亦僅有初級小學校一處漫川關爲該縣首鎮僅有初級小學校二處板岩爲南區首鎮僅有初級小學校二處足徵各區義務教育尙未能按照原定程序如期辦竣就全縣計算其入學之學齡兒童約佔學齡兒童總數十分之五王知事聲言該縣義務教育已於去年九月間着手進行全縣分五學區每區推一熱心學務之人由知事委任如該區學務委員學齡兒童均已調查完竣正擬按義務教育施行程序第一期應辦事項着實進行忽而豫匪竄擾所經區域學

校多被損毀城關附近雖未經匪蹂躪而客軍雲集支應無人軍士自行赴鄉採糧尋覓住址以致學校門牕書籍器具損壞過半人民餬口不暇何暇顧及子弟入學各處學校經此大創全數停頓恐非少數時間所能恢復也惟民困固宜多方拯濟而學校亦未便久事倒閉旋即商由王知事招集各校管教員暨辦學員紳等籌商以後進行辦法擬將原有學校設方恢復寒假後務使一律開課並各校名稱一律改爲初級小學校次由各區學務委員調查學校不敷用之各村鎮責成各該區紳董或由勸捐或籌公款增設多處總期各區無失學之兒童爲止即義務教育第二項應辦事項如五十戶以上之村鎮亦極應就地籌備按期成立又查各小學教學非舊日腐儒學識太陋即高小學畢業學識尙淺對於教授訓練暨各種科學既欠研究又乏教員深造其由師範出身者尙不及十分之一是誠學校腐敗之一大原因也乃與王知事及勸學所長切實商酌俾急籌設單級師範傳習所一處培養師資以便分配各校教授當師範傳習所未成立以前各校教員亦應實行檢定以免濫竿貽誤子弟以上各節一俟秩序恢復後當即着實進行云

二學校教育

查該縣共有高級小學校三處公立初級小學校四十六處視察員到縣時適值豫匪竄擾寒假逼近各區學校被擾者既已倒閉即未被擾者亦全行停課對於應行視察事項頗感困難旋即商由王知事及勸學所長擬將城關附近各校招集開課以便實地視察惟各校學生

有因逃難未歸者有因路遠未便通知者礙難全數到堂當日視察者有城內高級小學校就昔年封陽書院舊地改脩地址寬廣房屋整齊民國初年白匪竄擾縣署被燒卽移至該校前院隔出後院一部歸作校用現時校址狹小有教室二座光綫容積尙屬適宜校長室二間教員室六間宿舍十二間前被過軍借駐書籍器械及門牕棹橙等損失過半校長張光烈學識陳舊常川家居不理校務惟管理兼教員閻燮管教尙能認真一切校務多半仰伊主持教員邱俊雷洪徐景星雖亦講解明晰惟教授均未能採用啟發式以引起學生聽講興味學生二級五十餘名檢閱成績尙無大疵經費年約一千四百元由書院地租年收洋六百元漫川關驛捐年收洋約五百元不敷用由縣署臨時籌給第三高級小學校在漫川關阮家廠係租民房四十六間脩補而成創辦伊始設置上僅有黑板棹橙及應用教科書等此外如學校園體操器械等均未完備校長胡紹麟辦事穩健管理陳彭訓練有方教員席尙珍王青臣阮開炳教授尙屬得法學生一級二十四名秩序整飭應答敏捷當視察員到校時適該校舉行年終考試檢閱成績尙有可觀經費年約一千二百元由該鎮驛船等捐籌撥此次股匪進關該校因距街較遠故未遭損失城內正街文昌宮初級小校因被軍隊借駐現移至祖師廟內教室三間光綫合宜教員薛敬軒學問尙有根底惟學生十八名多半未能採用教科書殊違部章東關蝗虫廟初級小校教室三間自習室三間教員室二間教員奚有爲教授合法學生對答明瞭秩序井然西關北街初級小校係昔日義學舊址教室通空流光均屬適宜教員鬲永治

教授懇切訓練得方學生十五名態度活潑應答清晰西關外永安寺初級小校教室三間教員室一間教員陳光煥講解尙屬清白惟仍用注入式學生十八名多半以讀經爲主東嶽廟初級小校教室三間光綫合宜教員曹瀚章教態板滯學生十六名多半以讀經爲主兼有用教科書者亦不講解九子碑私立初級小校去年二月間成立新修教室三間教員室二間光線合宜教員徐于煥教授尙可學生十五名多數能回講清楚顯神廟初級小校教員劉金城教授未合學生大半讀三字經百家姓四書等亦不講解以上各校學生到堂者或十數人或七八人或四五人不等其設備因破壞之餘均未能完善甚至棹燈有暫時借用者有學生自備者其餘各校如馬家村磨溝口油坊子青龍觀雙廟嶺等名爲學校強半不脫私塾性質其設備教授多未完善有以讀經爲主者有經書教科參用而不爲講解者既無音樂手工又缺圖畫體操即算術一科亦或有或無課外運動遊戲更鮮有注意者前已由王知事暨勸學所長飭令各校遵章辦理并囑於勸學所內附設販賣所多購各種最新初級小學教科書及語體教本使各校備資購用以便改良又該縣高級小校學生畢業後無力升學者實居多數其知識技能既不足以自謀生活若去而他圖則學非所用不免流蕩無業不特與教育發展有礙且與國家前途有關此後各校管教員等宜調查學生家庭之狀況及學生自然流露之天性施以相當之教育又宜於普通學科之外增加職業學科俾學生各有技能畢業後若能升學則精益求精不能升學亦可挾其技能自謀生活況山陽山嶺多而平原少最宜林業亦